



C O N C E L L O
D E
ABEGONDO
(A CORUÑA)

San Marcos, 1, Abegondo
15318 Abegondo
A Coruña
Tfno.: 981 647 909 Fax 981 673 050

web: www.abegondo.gal
sede electrónica: sede.abegondo.gal
endereço electrónico: correo@abegondo.gal

BASES DA CONVOCATORIA CERTAME LETRAS GALEGAS 2025 CONCELLO DE ABEGONDO

O Concello de Abegondo, co fin de promover as diferentes manifestacións culturais e fomentar o cultivo destas entre a poboación do municipio, potenciar o uso da lingua galega e promover a literatura galega, así como conmemorar o Día das Letras Galegas e homenaxear as cantareiras, a poesía popular oral e a transmisión da literatura popular. Con esta finalidade, convoca o Certame Letras Galegas 2025 Concello de Abegondo. Rexerase polas seguintes **bases**:

1. CATEGORÍAS E PREMIOS

O Certame Letras Galegas 2025 Concello de Abegondo establece as seguintes categorías e premios:

Infantil

- 1.º, 2.º e 3.º premio de Debuxo e Pintura

Os premios na categoría infantil consistirán en lotes de libros en lingua galega e un estoxo de pinturas.

Primaria

- 1.º e 2.º premio de Narrativa
- 1.º e 2.º Premio de Poesía

Os primeiros premios na categoría primaria consistirán nun lote de libros en lingua galega e un reloxo intelixente.

Os segundos premios na categoría primaria consistirán nun lote de libros en lingua galega e un altofalante sen fíos.

Secundaria e menores de 18 anos

- 1.º e 2.º premio de Narrativa
- 1.º e 2.º Premio de Poesía

Os primeiros premios na categoría secundaria consistirán nun teléfono móbil.

Os segundos premios na categoría secundaria consistirán nun reloxo intelixente.

Adultos

- 1.º premio de Narrativa
- 1.º premio de Poesía

Os premios na categoría adultos consistirán nun premio económico de 180 €.

Premios aos mellores lectores do ano

- Premio ao mellor lector do ano da Biblioteca do CEIP San Marcos
- Premio ao mellor lector do ano da Biblioteca do IES de Viós
- Premio ao mellor lector do ano da Biblioteca Pública Municipal de Abegondo

Os premios ao mellor lector consistirán nun lote de libros en galego e un altofalante sen fíos.

No caso de que non sexa posible adquirir algún dos agasallos indicados, substituirase por outro de igual



C O N C E L L O
D E
A B E G O N D O
(A CORUÑA)

San Marcos, 1, Abegondo
15318 Abegondo
A Coruña
Tfno.: 981 647 909 Fax 981 673 050

web: www.abegondo.gal
sede electrónica: sede.abegondo.gal
endereço electrónico: correo@abegondo.gal

valoración económica.

2. PARTICIPANTES

Atendendo ás diferentes categorías os participantes serán:

Infantil: alumnado que curse estudos de infantil.

Primaria: alumnado que curse estudos de primaria.

Secundaria e menores de 18 anos: alumnado que curse estudos de secundaria e participantes menores de 18 anos.

Adultos: 18 anos ou máis.

Na categoría mellores lectores os participantes non deberán presentar ningún traballo, posto que estes premios serán propostos polos centros educativos correspondentes (CEIP San Marcos e IES de Viós) entre o seu alumnado e pola Biblioteca Pública Municipal de Abegondo, entre as socias e socios da Biblioteca.

As persoas premiadas non poderán estar incursas en ningunha das circunstancias previstas no artigo 13 de la Lei 38/2003, do 17 de novembro, xeral de subvencións nin en ningunha clase de inhabilitación para a obtención de axudas prevista no artigo 10 da Lei 9/2007, do 13 de xuño, de subvencións de Galicia.

3. TRABALLOS

Os traballos deberán ser orixinais e inéditos. A lingua utilizada nas narracións e poesías deberá ser o galego. Nos debuxos e pinturas, no caso de levar algún texto, este deberá estar redactado en lingua galega.

Na categoría secundaria e menores de 18 anos, co fin de fomentar a participación da mocidade, os traballos de narración e poesía poderán ser en formato escrito, en formato audio e en formato vídeo.

Valorarase que os traballos fagan referencia ás cantareiras, figuras homenaxeadas, e á literatura popular oral.

Os traballos serán remitidos ao Servizo de Normalización Lingüística ou ao departamento de Cultura do Concello de Abegondo. Poderán ser entregados persoalmente na Casa do Concello, na Biblioteca e na Aula Lúdica, así como por correo postal no enderezo San Marcos, 1 – 15318 Abegondo. Poderán ser presentados a través da sede electrónica ou por correo electrónico no enderezo cultura@abegondo.gal, sempre que o formato do traballo presentado así o permita e isto non impida a correcta valoración da súa calidade artística.

Todos os participantes indicarán xunto co traballo o seu nome e apelidos, domicilio, idade e teléfono de contacto. Nas categorías infantil, primaria e secundaria indicarán ademais os estudos que cursan e o centro de estudos.

Na categoría adultos os participantes entregarán tamén unha copia do DNI e no caso de resultar premiados deberán estar ao corrente nas súas obrigas tributarias e fiscais. Para tal fin, indicaráselles a documentación que deberán presentar para recibir o importe económico.

4. PRAZO DE PRESENTACIÓN

O prazo para presentar os traballos está aberto ata o día 6 de xuño de 2025.

5. ENTREGA DE PREMIOS

Este documento está asinado dixitalmente. Pode comprobar a súa integridade na sede electrónica do Concello de Abegondo [sede.abegondo.gal] mediante o código de verificación (CVD) que se amosa na banda lateral. Artigo 27 da Lei 39/2015, do 1 de outubro, de procedemento administrativo común e artigo 42 da Lei 40/2015, do 1 de outubro, do réxime xurídico do sector público.



C O N C E L L O
D E
ABEGONDO
(A CORUÑA)

San Marcos, 1, Abegondo
15318 Abegondo
A Coruña
Tfno.: 981 647 909 Fax 981 673 050

web: www.abegondo.gal
sede electrónica: sede.abegondo.gal
endereço electrónico: correo@abegondo.gal

Os premios serán entregados no lugar e data que determine o Concello de Abegondo.

6. CRÉDITO ORZAMENTARIO

Existe dispoñibilidade orzamentaria para os premios do Certame Letras Galegas 2025 Concello de Abegondo. Valóranse os premios nun importe total de 2.010,00 euros, que se distribúen da seguinte forma: 360,00 euros aplicación 334/48200 e 1.650 euros na aplicación 334/22199.

7. XURADO

O xurado será designado mediante resolución da Alcaldía. Buscarase a paridade do xurado.

Será valorada a orixinalidade e a creatividade das obras presentadas, así como a calidade literaria e lingüística, a posta en valor do galego, a promoción da lingua que se transmita nos traballos e a posta en valor da figura das cantareiras e da literatura popular oral.

O xurado poderá declarar deserto algún dos premios, no caso de non considerar suficiente a calidade dalgunha das obras. Así mesmo, o xurado poderá conceder algún accésit, se así o considera, sempre e cando non supoña un incremento no importe total dos premios.

Os premios aos mellores lectores do ano serán propostos polos centros educativos correspondentes (CEIP San Marcos e IES de Viós) e pola Biblioteca Pública Municipal de Abegondo, atendendo ao hábito lector das persoas propostas para o premio.

Os membros do xurado deberán formalizar unha acta coas valoracións na que se propoña a concesión dos premios.

O xurado estará facultado para interpretar estas bases e resolver as dúbidas e cuestións que xurdan no concurso.

8. DEREITOS

O Concello de Abegondo pasará a ter todos os dereitos sobre os traballos presentados e estes poderán ser editados, impresos e publicados, así como difundidos na páxina web do Concello, redes sociais e outras canles audiovisuais da Internet.

9. ACEPTACIÓN BASES

A participación no concurso supón a aceptación das presentes bases.

10. PUBLICACIÓN DAS BASES

Unha vez aprobadas as bases do Certame Letras Galegas 2025 Concello de Abegondo, estas estarán publicadas na sede electrónica do Concello de Abegondo, na páxina web do Concello de Abegondo, no *Boletín Oficial da Provincia* da Coruña e na Base Nacional de Subvencións.

Abegondo, na data da sinatura electrónica

O alcalde

José Antonio Santiso Miramontes